

Las Liricas Analas ella runda finala

Ei han dau tut la sonda vargada a Cuera. Las Liricas Analas han dau adia ed incantau il publicum cun in schatg ord igl entir repertori da 20 onns Liricas. Duront igl entir concert ein tut ils lirichers stai sin tribuna. Sper MC «Orange», «Jusht» e «Flepp» han «Spoon» *Adrian Candinas* e «pddp» *Pius Venzin*, accompignai dils DJ *Gion Soliva* e *David Suivez*, procurau per temperaturas pli avanzadas el Loucy. E schau buglir il publicum el beat lyric anal entochen mesanotg. (fmr/ac)

Pagina 3



El fiug dallas Liricas finalas

Las Liricas Analas ha tschaffau il publicum la sonda sera al concert final a Cuera. E buca schau dar quei publicum sin in viadi musical sur dus decennis. In viadi cun bia beat, tensiun e divertiment che ha cuzzau entochen mesanotg.

Andreas Cadonau/FMR

Tgi ch'ei buca staus la sonda sera el Loucy a Cuera ha munchentau l'esperienza con tensivs e divertents in cumiau sa esser. Per Liricas finalas han ils treis protagonistas dalla analas ils MC «Orange» alias *Renzo Hendry*, «Jusht», *Johannes Just* e «Flepp» alias *Roman Flepp* titulau sonda sera l'atgna gruppaziun. Els ha mussau a caschun dalla davosa runda dad aunc adina haver il beat el saung, il ritmus ella comba. E quei che ha intimau probabel il pli fetg il publicum: Il grond plascher e tschaffen dallas Liricas da seprestar sin tribuna. Quei che las Analas han presentau sonda notg a Cuera ei stau tut auter ch'in program obligatori, in per forza aunc promover il davos album. Naven dalla emprema secunda, naven digl empremt tact

han ils treis rappers, susteni dil DJ *David Suviez*, tschaffau il publicum. Per buca pli schar dar, e quei entochen mesanotg buca. Las Liricas han tschaffau quei publicum ord cadeina sin in viadi musical sur dus decennis.

Ella formaziun dall'emprema ura

Remarcabel che la musica dalla Liricas Analas po entusiasmar buca mo ils adherents dalla band dall'emprema ura. Biars giuvenils sediverti la sonda sera ella unda e ritmica dalla musica dallas Analas eran strusch ord la stratscha cu las Liricas ein sepresentadas avon 20 onns l'emprema ga. Lu cu ellas ein vegnidas ord il tschaler da Sedrun. Antruras aunc en tschun, cun «Spoon» *Adrian Candinas* e «pddp» *Puis Venzin* e lur DJ «Gionson» alias *Gion Soliva*. E quels protagonists dall'emprema ura ein medemamein sepresentai sin tribuna e las Analas cumpletas han arundau in concert extraordinari. «Nus pudein buc pli», ha Jusht tradiu veseivlamein stunclentaus dil maraton musical da Cuera. Nus pudessan aunc dapli Liricas Analas, vein denton capientscha ch'igl ei da calar cura ch'igl ei il pli bi. Vossa musica resta, ils concerts vegnan a muncar. In datti aunc per plascher da quels che han in bigliet per il proxim Open Air Lumnezia.